

l'insertion de ma protestation et la publication de la chanson de mon grand-père.

« Agréez, mon cher Directeur, mes salutations empressées.

ALEXANDRE AGNELLET. »

Lous Servan

Yo vâto pé sai temp Joséta ?
Vin dan na mita l'achutâ.
Ivouay de say tota solléta,
Et dai' quaqu' chûs' à te contâ.
Y'est on grand secret que ma grousa,
M'appregnay l'atorshor euthan :
Et te suré, de quenta sorsa,
Yo san sourti lô lous Servan.

A la veilla quand detaou flôta,
Son avay parlâ de r'veguen ;
De n'osâvo dermi solléta,
Crégnan d'en vi pé tô lous couen.
Si d'entendaou r'bella na rata,
Y me semblâve, par devan,
Que mous l'enfoua, que ma quervéta
Eluy téria pé le Servan.

Voré de ne say ple pouairaousa,
Qui tray, qui bossay, qui crévay,
De m'enderméso bien iraousa
Ha ! voy-to, y est bon de savay.
Lé flé qu'an fai lés dôficillé
Et que sans mourté sen galan,
Laous amé ne san pas tranquillé ;
Le bon Diù n'a fait de Servan.

Ho ! bin, d'après cen, me didanna,
Y day sha n'avay brâvamen ;
La Françon, la Rose et la Shanna,
Van se vi placi sù cai ren.
Clé que l'âssan par dien laous faté,
Allâ troua libramen la man ;
Té sor que totté clé faraté,
Hélas deviendran de Servan.

La d'menshe quand on vay déchendre,
Tô lous tharavô du Thnaillon,
Tan qu'é bouai lé vous faran rendre,
Ren qu'en égaiten laous cottlion.
D'aragné fillan pé laous orllie,
Laous darri san qu'men de grou van,
Que faire de clé groussi boillie,
Son en fassay pas de Servan ?

Toté clé grandé bariavallé
Qu'on vay sourti pé le Bouthé,
Que r'man le shor dien lé thapallé,
Et veillan la nai sen cronaysé ;
Quand lés entrau pé la portéta,
Diù quenta trista m'na le fan !
Par-me d'en r'yo tota solléta,
Lé resemblan fan lous Servan.

Parleray-sho de clé farôdé
Qu'on appale rouina-mayson ;
To cen fâ de siéré garôdé,
Plus à crendre que le pouayson.
Yen n'a tant que se lâssan prendre
E trapé de clé carmentran !
Grand Diù ! qui dayvan être a plondre,
Car cen day tenni du Servan.

Te vâ bintou te mettre layvre,
Avouay le tino lo rosse,
Y me de me faray parsayvre,
Avan qui say la sain José.
Y ne fodre pas troua médire,
Avan qu'on quériay noutro ban ;]
Car y faut bin faire en manire,
De pouay se moquâ de Servan.

par

Feu FRANÇOIS AGNELLET,
ancien Maire de Thônes,
décédé en 1872.